

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1933

~~28~~
127

T 9297.1100 B



玉海卷第一百六十一

浚儀王應麟伯厚甫

宮室
堂

古者為堂自半已前虛之謂堂半已後實之為室
堂者當也謂當正向陽之屋

堯堂

史記太史公曰墨者言堯舜堂高三尺土階三等茅
茨不翦椽椽不剝
論衡其茨生於階下須臨堂察
之乃知茨數

哈佛大學漢和
圖書館珍藏印

禮器疏天子之堂九疇此周法也。明堂位正義多士傳云天子堂廣九雉三分其廣以二為內五分其內以一為高東房西房北堂各三雉。

孔子堂 講堂

書序魯共王升孔子堂聞金石絲竹之音。後漢紀

永平十五年三月幸孔子宅親御講堂說經。祭彤

傳永平中坐孔子講堂顧指子路室。云云。鮑永傳

孔子闕里無故荆自除從講堂至于里門。郡國志

王屋縣有孔子學堂。九域志鄆州古講堂孔子為

中都宰於此堂教授。兗州有孔子學堂雲臺。鄭元

臺

別傳北海有儒林講堂

漢朝堂

西都賦左右庭中朝堂百僚之位蕭曹魏邴謀謨乎其
上佐命則垂統輔翼則成化。西京賦朝堂承東

溫調延北。考工記外有九室注如今朝堂諸曹治

事處疏謂正朝之左右為廬舍者。後明帝紀永平

十七年五月公卿百官以帝威德懷遠祥物顯應並

集朝堂奉觴上壽。後傳袁安為太僕元和二年武

威太守孟雲上書南部鈔掠宜還其生口詔百官議

朝堂和帝即位竇憲擊北海匈奴安與宋由任隗及九

卿詣朝堂上書諫至免冠朝堂固爭者十上 朱暉
 永平初東平王蒼聞而辟之正月朔旦蒼入賀坐朝
 堂求壁不可得暉奉之 張酺為太尉與司隸校尉
 晏稱會於朝堂 鄧騭等永初中並奉朝請有大議
 詣朝堂與公卿參謀 班勇為軍司馬元初六年公
 卿以為宜棄西域鄧太后召勇詣朝堂會議 黃瓊
 爭議朝堂莫能抗奪 竇武陳蕃共會朝堂 陳球
 為廷尉宦者欲別葬竇太后詔公卿大會朝堂令中
 常侍監議 應劭為車騎將軍掾中平二年漢陽賊
 與羗胡為寇詔百官大會朝堂皆從劭議 鮮卑熹

宮殿

平六年秋寇邊召百官議朝堂議郎蔡邕議曰
 蔡邕獨劾赦令召三公詣朝堂受制書
 是時出征授節鉞於朝堂晉令有朝堂集公卿於朝
 堂

漢五堂 詳見建章宮

列傳李尋對臣位卑術淺適隨眾賢待詔久所玉堂
 之署注師古曰玉堂殿在未央宮 揚雄解嘲空得
 遭盛明之世歷金門上玉堂注晉灼曰黃圖有大玉
 堂小玉堂殿 異奉上疏孝文時未央宮無玉堂殿
 谷永對抑損椒房玉堂之盛寵注椒房皇后所居

玉堂壁門正義漢武帝故事

史記玉堂壁門正義漢武帝故事

高十餘丈採首搏以壁為之因名壁門郊祀志建

華宮南有玉堂壁門既瑤堂後靈帝紀中平三年

二月修玉堂殿靈帝又造官志玉堂署長一人本

注官者主中宮別處翟輔傳上疏曰損玉堂之盛

尊天爵之重官者傳使鈞盾令繕修南宮玉堂又

鑄四鐘垂於玉堂及靈臺殿前按靈紀已下云

西都賦金華玉堂西京賦宣室玉堂壁門之環

三輔黃圖未央宮有殿閣三十二按西京賦未央宮在

其中漢宮殿閣記云未央宮有玉堂宣室閣漢書曰

建章宮南有玉堂壁門三層臺高三十丈玉堂內殿

十二門階皆玉為之又有玉堂神明堂二十六殿

漢武故事玉堂去地二十丈橋公鼎銘延公入于

玉堂前廷洛陽宮殿名南宮有玉堂前後殿

漢甲觀畫堂

成帝紀元帝太子宮甘露三年生甲觀畫堂元后傳

黃圖曰宮殿中采畫之堂在比霍光傳止畫室

中不入注雕畫之室西都賦豐冠山之朱堂

西都賦左城右平注摯虞大疑要注曰太極乃有陛

堂則有階無陛平以文塼相亞次城為陛級 西京

賦云云注城階齒也天子殿高九尺階九齒各有九

級其側階各中分左右左有齒右則滂沲平之令輦

車得上

漢延清堂

見殿類

漢始生堂

章紀元和三年二月癸酉還幸元氏祠光武顯宗於

縣舍正堂明日又祠顯宗於始生堂皆奏樂詔復元

氏七年徭役明帝建武四年光烈后從征彭龍生干常山元氏傳舍永平十五年十月行幸

鄴常山三老言曰上生於元氏願蒙優復詔復元氏縣田租更賦六歲

漢黃堂

郭丹傳太守杜詩勅以丹事編黃堂以為後法注太

守之聽事

漢承明堂

袁紹傳抽戈承明注山陽公載記曰紹等入端門遂

於承明堂上格殺中常侍高望等二人

蜀漢爵堂

蜀都賦內則議殿爵堂虎義虎威宣化之闈崇禮之

闈華闕雙邈重門洞開金鋪交映玉題相暉

嘉靖丁巳年 監生饒斗南刊

魏鳴鶴堂

魏都賦注聽政殿後有鳴鶴堂椒梓坊木蘭坊文石室後宮所止

魏東西堂

山謙之丹陽記太極殿周制路寢也秦漢曰前殿今稱太極曰前殿洛宮之號起自魏東西堂亦魏制於周小寢也皇后正殿曰顯陽東曰含章西曰徽音又洛宮之舊也含章名起後漢顯陽徽音亦起魏輿地志洛陽有顯陽殿皇后正殿也魏明所建
昭陽晉避肅改
在太極之北鑄黃龍高二丈置殿前
四丈鳳凰二丈

魏茅茨堂

水經注河南魏文帝茅茨堂前有茅茨碑是黃初中所立也

晉太極東堂 尚書都堂

晉制大會於太極殿小會於東堂列傳山簡為尚

書左僕射領吏部上疏曰武帝受禪泰始之初躬親

萬機時黃門侍郎王恂庾純始於太極東堂聽政平

尚書奏事多論刑獄王渾奏先帝時正會後東堂

見征鎮長史司馬諸王國卿諸州別駕郤詵遷雍州

刺史武帝於東堂會送執虞舉賢良武帝詔諸

良方正直言會東堂策問。李密賜餞東堂。孝友。

成帝紀咸康六年七月乙卯初依中興故事朔望聽

政於東堂。咸康二年四月甘露降尚書都

堂挑木。

魏甘露元年二月丙辰宴羣臣於太極東堂。齊東

堂校籍。

晉宣猷堂

文選陸士衡機皇太子宴元圃宣猷堂詩。云云注宣

猷堂名在園中。南朝亦有之齊東宮元圃園宣猷

堂梁宣猷堂宴餞中庶子謝嘏梁太子於東宮宣猷

堂開講。

晉仁壽堂

晉宮閣名洛陽宮有則百堂螽斯堂休證堂延祿堂

仁壽堂綏福堂含芳堂樂日椒華芳音顯成承光五

福嘉寧堯母永光長壽堂。

晉西堂

宋志晉咸康元年四月二年四月甘露降西堂。周

顛傳帝燕羣公于西堂。巨冲傳冲將之鎮帝餞於

西堂賜錢五十萬。宋書蔡廣答傅亮曰如今含章

西堂足下在僕射下侍中在尚書下。宋太子納妃

於太極殿西堂叙宴。

晉樂賢堂

五行志成帝咸和六年正月丁巳會州郡秀孝於樂賢堂

蔡謨傳彭城王紘上言樂賢堂有先帝手畫佛像宜勅作頌帝下其議謨曰佛者夷狄之俗非經典之制遂寢宜城王為之頌庾闡有樂賢堂頌

梁太子起樂賢堂使畫工先圖劉孝綽

晉積弩堂

初學記費昶有積弩堂晉成帝作見宋永初山川古今記梁庾肩吾詠疏圃堂

晉中堂

穆紀升平元年三月帝講孝經壬申親釋奠于中堂

禮志穆帝孝武權以中堂為太學宋紀泰始五

年三月丙寅幸中堂聽訟

晉延賢堂

宋志晉太元十九年正月華林園延賢堂西北李連

理宋永初元年十二月二年十月癸卯元嘉三年

五月丙午臨延賢堂聽訟

宋閱武堂 梁儀賢堂

紀宋孝武帝即位十月癸未聽訟於閱武堂齊永明

四年正月辛亥耕籍田甲寅幸閱武堂勞酒戊午

宣武堂講武

建元元年九月戊申幸宣武堂宴會詔

賦詩

梁天監六年九月乙亥改閱武堂為德陽堂

聽訟堂為儀賢堂

朱异於儀賢堂述老子義太清元

年五月丁酉幸德陽堂宴羣臣

後魏清徽堂

觀德殿

流化渠

疑閑

茅茨堂

皇信堂

宣極堂

光極

堂

後魏

孝文南征還洛引見王公侍臣於清徽堂帝

曰此堂成來未與王公行宴樂之禮今與諸賢欲無

焉而不下無小而不入因之流化渠洗煩池帝曰此

池有嘉魚在城工澄曰所謂魚在于藻有頌其首帝

曰且言工在靈沼於物魚躍次之觀德殿帝曰射以

觀德故以命之次之疑閑堂帝曰此堂取夫子閑居

之美不可縱奢以忘儉自安以忘危故作堂後作茅

茨堂請李冲曰此東曰步元廡西曰游凱廡此座雖

無堯舜之君卿嘗無愧元凱帝曰光景垂落朕同宗

有豈汝之義卿等將出何得默爾德音即命黃門侍

郎崔光郭祚通直郎邢密崔休等賦詩見燭至公卿

辭還冲舞拜上千萬歲壽帝曰卿等以燭至致舞

鳳鳴臺照錄卿以南山之詩乃曰燭至辭退庶幾之
禮在夜載放宗族之義卿等且還朕與諸王宗室欲
成此夜飲又詔延四廟之子下逮元孫之胄申宗宴
於皇信堂令宗室賦詩又會百寮於宣極堂行飲至
策燕之禮 紀太和十九年十二月甲子見羣臣光
極堂

唐朝堂

儀衛志百官就班文武列于兩觀監察御史立於東
西朝堂軌道以涖之平時傳點畢內門開監察御史
領百官入夾階監門校尉執門籍曰唱籍序班于通

乾清象門南入宣政門朝堂置左右引駕三衛六十
人 禮志元正冬至朝賀有司設羣官客使等次於
東西朝堂設門外位文官於東朝堂介鄒公在西朝
堂之前武官在介公之南少退每等異位重行皇帝
加元服設門外位於東西朝堂如元日皇太子加元
服九品已上皆詣東宮朝堂餘公服集於重明門外
朝堂無太子有司設太子次于東朝堂之北西向
信志左諫議大夫垂拱二年鑄銅甌四列于朝堂內
謁者監命婦下車則導至朝堂奏聞監察御史分日
直朝堂入自側門非奏事不至殿庭正門無籍知

堂左右廊天授中詔側門置籍得至殿庭開元七年
 詔隨仗入閣鴻臚卿凡獻物駝馬則陳于朝堂太
 府及會賜及別勅六品以下賜者給於朝堂
 實錄
 正觀元年五月癸丑敕中書令侍中於朝堂受訟二
 年八月甲戌幸朝堂親覽冤屈開元二年二月癸丑
 宴突厥使新羅王子八月辛巳引見河隴從軍壯士
 置酒享之十五年四月丙午王君奭凱旋置食宴之
 二十五年五月丁卯召河北立功將士宴勞是歲二月二
 十二年九月辛巳嘗又朝集使二十四年二月甲寅宴
 新得縣令皆於知知堂至德二載九月丁亥廣平王東

討百寮拜送于朝堂
 會要建中元年二月於朝堂
 別置三司決庶獄辨爭者輒擊登聞鼓右司郎中裴
 諝上疏上命歸於有司大和四年三月三院御史入
 朝堂前無止泊所請置祗候院長慶元年八月於中
 書南置僕射祗候院
 通典朝堂冊命諸臣設受冊
 者次於東朝堂
 魏諸朝堂辭太
 六典注棲鳳閣下
 即朝堂

奇元輿御史臺新造中書院記御史府故事於中書
 之南常有理所大和四年於政事堂直阡之南選地
 以作之號中書南院院門北闕嚮朝廷也觀者令為

唐政事堂

百官志

兼表

唐初二省長官議事于門下省之政

事堂高宗弘道元年十二月甲戌裴炎自侍中遷中

書令乃徙政事堂于中書省會要 煇要 肅記 肅記 肅記 肅記

等通 又改政事堂號中書門下政事印亦改為中書門

下之印列五房於後一曰吏房二曰樞機房三曰兵房

四曰戶房五曰禮刑房分曹以主衆務焉中書舍人一人

知制誥顯進 畫給食政事堂五行志 乾符六年置

授宰臣制百官班賀于政事堂 列傳裴炎改中書

令中書 宰相議事于門下省號政事堂長

孫無忌以司空居元齡 以僕射魏證以太子太師皆

知門下省事至以中書 令執政事筆故徙於中書

省李靖二日一至中書門下平章事崔元宗 天

授初同平章事坐政事堂東帶終日不休源

曜進位侍中議者言執政以同休戚不崇異 無以責

功會 腰開肱 帝乃詔中書門下共食實戶三百財

十堂封自此始齊 泚有王佐才元宗時張說擇

丞轄以王立為左泚為右李元紱杜暹當國宗

時

承轄

時

時

為吏部尚書。及蘇晉為侍郎，世謂臺邊嘗奏事，帝指政事堂曰：非卿尚誰居者？李峴為相，故事政事堂不接客，自元載為相，中人傳詔者引升堂，置榻待之。峴至，敕吏撤榻。苗晉卿年老乞間，日入政事堂。李吉甫為相，初政事堂會食，有巨牀，相傳徒者宰相輒罷，不敢遷。吉甫笑曰：世俗禁忌，何足疑邪？徹而新之。常衣為相，政事堂北門，後門云異時宰相過，中書舍人院咨訪政事，至衣乃塞之。會大曆十二年，以示尊大，將辭堂，封它相不從，乃止。鄭餘慶為相，主書滑渙指畫室，相前餘慶叱去。鄭珣瑜為相，王叔

文內交奄人，攘撓政機，帝執誼為宰相，居外奉行。叔文至中書，直吏白宰相會食，百官無見者，執誼起就閣，與叔文語。珣瑜曰：吾可復居此乎？歸卧家不出。鄭覃五日一入中書，商量政事。杜佑憲宗詔三五日一入中書，平章政事。會要元和二年正月，司徒裴度文宗詔進司徒平章重事，三日一入中書。大和六月，孔緯昭宗送至堂視事。會要至德二載三月宰相分直政事堂之筆，每一人知十日，謂十日正元十年五月八日，又分每日一人執筆。先是九年七月筆從陸贄，總章二年，諸宰臣以政事堂供饌珍美，議之請也。嘉靖丁巳年

嘉靖丁巳年 監生饒斗南

減其料

張文瓘傳云同列以堂饌豐餘欲少損

東臺侍郎張文瓘曰此

食天子所以重機務待賢才也不可乃止

大曆十二年八月癸卯

常衮乞停賜饌連中三年正月開元元年十二月蘇

月宰臣請堂廚錢三分省一 頽除中書侍郎仍令宰臣宣指移文政事院便供政

事食明日加知制誥本傳云給食自頽始天寶五載六月三日

勅三伏內令宰相及時還宅大和元年四月宰臣對

罷召常侍諫議給事舍人起居補闕拾遺集于政事

堂宣旨有論奏並宜對元和八年十一月壬子上

命丞相召太史韓愈至政事堂諭以田弘正忠義令

撰先廟碑李華中書政事堂記云政事堂者自武

堂

德以來常於門下省議事謂之政事堂故長孫無忌

起復授司空房元齡授左僕射魏證授太子太師一作

保皆知門下省事至高宗光宅元年裴炎自侍中除

中書令執宰相筆乃遷政事堂於中書省記曰君不

可枉道於天反道於地覆道於社稷無道於黎元此

堂得以議之臣不可悖道於君逆道於人黷道於貨

亂道於刑尅一方之命變王者之制此堂得以易之

兵不可擅誅權不可擅施貨不可以擅蓄主澤不可

以擅奪君恩不可以擅問私讎不可以擅報公爵

可以擅私此堂得以誅之事不可以輕入重罪不可

嘉清丁丑...

以生入死法不可以剥害於人財不可以擅加於賦情不可委之以倖亂不可啓之於萌代紊不賞削紊不封知荒不救見饑不矜逆諫自賢違道變古此堂得以殺之故曰廟堂之上樽俎之前有兵有刑有梃有刃有斧鉞有醜毒有破家有覆族此堂得以行之故伊尹放太甲之不嗣周公逐管蔡之不義霍光去昌邑之亂梁公正廬陵之位君弱臣強之後宰相主生殺之柄天子掩九重之耳燮理化為權衡論道變為機務傾身禍敗不可勝數列國有傳青史有名幸為誠之無罪斯記 李庾賦西則月華重啓銀臺內

堂

向中書在焉密用宰相

杜甫詩落筆中書堂

唐號令堂

地理志太原府晉陽縣有號令堂高祖誓義師于此西北十五里有講武臺飛閣顯慶五年築

唐西堂

魏鄭公諫錄太宗坐於丹霄門外之西堂引公及李靖溫彥博等入宴言羣臣才行

唐東堂

舊史開元十七年八月乙酉尚書右丞相張說為尚書左丞相開府儀同三司兼吏部尚書宋璟為尚書

右丞相尚書左丞相源乾曜為太子少傅。宋璟傳十七年為尚書右丞相而張說為左丞相。源乾曜為太子少傅同日拜。有詔大官設饌太常奏樂會百官尚書省東堂。帝賦三傑詩自寫以賜。

唐尚書省都堂

通典唐開元禮朝集使於尚書省禮見奉禮郎先布版位於尚書省都堂之前。舊尚書令有大廳當省之中今謂之都堂會要正觀九年十一月二十九日敕冬薦官都堂訪以理術兼時務狀。正觀二十一年正月詔五品已上於尚書都堂餞回紇等。舊紀正元九年十一

月甲辰制冬薦官宜令尚書丞郎於都堂訪以理術論時務狀考其通否及歷任考課事迹定為三等御史一人監試授官後殿最舉主元和三年四月巳卯裴均於尚書省都堂上僕射

唐起義堂 宸宸台衡銘

地理志北都宮城東有起義堂。又見晉陽宮類音訓起義堂在乾陽門街元宗立碑仍書。理道要訣引元宗起義堂碑舊

史開元十一年正月辛卯幸并州上親製起義堂頌及書刻石紀功于南街改本州為太原府。會要十一年正月二

十五日至并州張說曰太原國家文粹起義堂頌

大業所起宜因行幸建碑紀德 萬曆十六年 監生蔣廷瓚

或云一行撰高祖龍躍晉水鳳翔太原開咸陽入天
 或云張說門金石一變日月重華癸亥之歲春正月濟河橫汾
 緬慕本邦姬詠周源劉歌沛邑火旗炎炎雲鳥洋洋
 五星迓帝萬國謳唐威雅連戮老生摧斃山祗引軍
 河龍渡帝帝謂太宗表正封略濤蕩颺掃霆馳雷爍
 於昭義堂誓眾資始云云張說述聖頌曰開元十有
 一祀正月整兵耀武入于太原設都建頌以崇王業
 馬燧傳德宗初為河東節度使朱泚反帝幸梁時
 天下方擾北邊數有警燧念晉陽王業所基宜固險
 以示敵乃引晉陽水架汾而屬之城及平李懷光還

太原帝賜宸辰台衡二銘并序以言君臣相成之美

勒石起義堂西偏帝榜其顏而寵之會要云正元九年十月上以馬

燧平汴宋魏博河中其功益高賜宸辰台衡二銘一云元年

唐考堂

舊紀建中元年十一月辛酉朔朝集使及貢士見宣
 政殿兵興以來四方州府不上計內外不朝會者三
 十五年至此始復舊制州府計吏至者一百七十三柳冕傳冕
 為福建觀察使自以久疏斥乃上表乞代且推明朝
 覲之意曰臣竊感江漢朝宗之誼鹿鳴君臣之宴夫
 朝會禮之本也唐虞之制羣后四朝以明黜陟商周

之盛五歲一見以考制度漢法三載上計以會課最
 有唐稽古天下朝集三考一見皆以十月上計京師
 十一月禮見會尚書省應考績事元日陳貢篚集於
 考堂唱其考第進賢以興善簡不肖以黜惡安史亂
 常始有不朝臣請率先德宗許之 李林甫傳天寶
 八載張博濟為戶部郎中部有考堂天下歲會計處
 博濟廢為廳事別取都水監地為考堂 會要云以諸
 考 州籍帳錢造
 會要正觀三年房玄齡王珪掌内外官考權萬
 紀奏其不平魏證奏曰萬紀比來常在考堂當時初
 無駁正及身不得考乃始陳論上乃釋不問

唐綠野堂

裴度傳時闔豎擅威天子擁虛器搢紳道喪度不復
 有經濟意乃治第東都集賢里午橋作別墅具燠館
 涼臺號綠野堂激波其下度野服蕭散與白居易劉
 禹錫為文章把酒窮晝夜相歡不問人間事

唐德星堂

德星社

復禮鄉

鳴珂里

一門六闕

三柱里

列傳崔鄆貝州武城人崔氏四世總麻同爨兄弟六
 人至三品邠鄆凡為禮部五吏部再唐興無有也
 居光德里架便齋宣宗聞而歎曰鄆一門孝友可為

士族法因題曰德星堂後京兆民即其里為德星社

崔邠上疏論裴延齡姦以鯁亮知名鄧類六經要言十篇上敬宗治雅以寬位鄂賻嚴鄆節度劔南西川及淮南文章徐岱蘇州嘉興人大曆中為校書郎

觀察使李栖筠欽其賢立所居為復禮鄉名達于朝

張嘉祐蒲州猗氏人兄嘉正為相時任右金吾衛

將軍昆弟每上朝軒蓋騶導盈閭巷時號所居坊曰

鳴珂里朱敬則亳州永城人以孝義世被旌顯一

門六闕相望咸亨中高宗召見異之楊炎鳳翔天

興人三世以孝行聞至門植六闕古所未有後為相

劉仁軌汴州尉氏人咸亨五年東伐新羅破之進

爵為公子及兄子受上柱國者三人州黨榮之號所

居為樂城鄉三柱里

後漢荀淑有子八人居西豪里縣令苑康曰昔高陽

氏有才子八人遂書其里為高陽里時人號曰八龍

宋朝都堂

國初典禮之事當集議者皆先下詔都省吏以告當

議之官悉集都堂設左右丞座於堂之東北南向御

史中丞於堂之西北南向尚書侍郎於堂之東廂西

向兩省侍郎常侍給事諫舍於堂之西廂東向知名

表郎官於堂之東南北向監議御史於堂之西南北

向又設左右司郎中負外於左右丞之後三院御史
 於中丞之後郎中負外於尚書侍郎之後起居司諫
 正言於諫舍之後如有僕射御史大夫即座於左右
 丞中丞之前如更集它官即諸司三品於侍郎之南
 東宮一品於尚書之前武班二品於諫舍之南皆重
 行異位卑者先就席以官高者為表首 祥符四年
 五月一日詔曰文昌揆路師長百僚自今宰相官至
 僕射者並於中書都堂赴上不帶平章事者亦本省
 赴上今太常禮院崇文院詳定儀注明年二月禮院
 上儀注至和二年七月九日詔宰相召自外者百官

班迎之自內拜者聽行上事儀文富入相然亦辭之元豐五年

五月九日詔新除左右僕射赴尚書省行禮上儀

建炎四年五月二十日詔侍從臺諫官並赴都堂議

事隆興二年十一月二十一日詔多事宜博謀侍從

兩省官每日一到都堂臺諫亦許會議

唐六典凡議謚之法太常寺擬訖考功於都堂集省

內官議定然後奏聞 唐故事藩鎮帶平章事合於

都堂治事刊石以紀官族視事之歲月

宋朝政事堂

官志中書在朝堂西是為政事堂其屬有舍人專職

誥命闕則以它官知制誥或直舍人院院在中書之西南國朝中書門下並列於外又別置中書於禁中是為政事堂與樞密院對掌大政乾德二年四月十九日置參知政事不升政事堂止令就宣徽廳上事

淳化飛白玉堂

二年十月賜承旨蘇易簡范杲獻玉堂記慶元五年九月

二十一日詔學士院創玉堂殿止以玉堂為名

祥符繼照堂 繼聖堂

在開封府廨東真宗尹京府日太宗命創射堂習射

堂

太宗淳化五年九月壬辰以皇子襄王行開封尹事祥符三年

寶訓作閏二月二十四日丁卯上幸開封府射堂宴

射謂從臣曰朕昔尹京兆先帝為創此堂俾之習射

周覽久之多所感慕又至堂閱太宗御書圖畫數十

軸遂宴射于射堂上作七言詩從臣畢賦上中的者七戊

辰制曰昔東漢之隆過死陵之故第正觀之盛臨慶

善之舊宮所以申愷樂之私宣優裕之澤朕頃在儲

邸獲尹神京用修相圃之儀遐擬宣猷之地知樞密

院事王欽若上駕幸舊邸七言三十一一作韻詩上作

歌以荅仍詔褒之甲戌詔曰朕頃在儲闈允釐京邑

仰承訓導幸底密寧爰就公庭載營完址俾因聽訟之暇用為習射之儀入纂邦基載移星律乘青陽之布令擁法從以來臨感慶兼深惠賚胥洽式徇宰司之議易茲題榜之名庶增煥於黃圖永流芳於元一作夔圃其開封府舊射堂宜名曰繼照堂是日設帟張樂許士庶遊觀三日麻温其進初營是堂西有井將塞之上曰必有神龍潛蟄命覆巨石未幾果有龍躍出至是八作使張文傲叙其事祥符六年八月丙寅繼照堂芝草生上作歌賜近臣天聖二年八月己卯幸繼照堂景祐元年正月庚寅改為繼聖堂

堂

祥符資善堂

記

賜詩

宴從臣

讀

孝經

在元符觀南大中祥符八年置

七年十一月己未作元符觀即劉永規解

舍一云七年十二月仁宗隸學之所八年十二月

建勳在承天祥符門內辛卯封授皇子慶國公忠正軍節度使壽春郡王祥符九年二月甲午詔以

元符觀南皇子就學新堂宜以資善為名因製記取

資始善長之義習與智長化與心成詔曰利建元子肇開懿藩將崇

樂善之規式務從師之教眷惟丹禁夙敞清都就茲

曲密之庭以為誦弦之地命晏殊崔遵度為記室咨

議長編云張士遜崔遵度入內押班周懷正為都監

萬曆十六年

二月二十三日

十一

監生蔣廷瓚

入內供奉官楊懷玉為壽春郡王伴讀仍面戒堂中
 無得戲笑及陳玩弄之具庶事由禮使王親近僚友
 三月庚申壽春郡王會友張士遜等于堂上作七言
 詩六篇分賜之丁卯讀孝經序終篇賜士遜等會于
 堂上賜詩三首四月戊戌郡王請以聖製堂記及賜
 諸王詩刻石堂壁五月戊午詔獎王友張士遜等以
 王讀孝經徹章故也王初為詩即成章有人心懷禮
 義之句上喜語輔臣九月丁未讀論語第二卷畢賜
 會于資善堂天禧二年正月乙未朔上宴宗室于是
 堂辛亥詣元符觀資善堂宴從臣召壽春王府官屬因

出聖製資善堂記元符觀頌及聖製賜郡王恤黎民
 守文儉約等七詩及王之詩什書翰示輔臣向敏中
 等曰王始著吟詠句意精奇天縱才藝咸再拜稱賀
 二月丁卯制行江寧尹進封昇王八月甲辰立為皇
 太子癸丑作元良箴又製十韻詩各一首分賜庶子
 賓客以下九月丁卯天安殿冊太子三年九月丙子
 賜元良述六藝箴承華要略四年徙御厨北一作禁
一云宣祐門內東十月乙卯資善堂上梁是歲正
無其講筵所亦在焉十一月庚午御札中書密院常
日太子會宮僚觀之十一月庚午御札中書密院常
 務令宰臣與太子就資善堂會議壬申輔臣見皇太

子於堂十二月九日乙酉詔隻日承明殿不視事中書樞

密院詣資善堂議事辛丑太子會師傅宮寮于是堂

賜教坊樂先是天禧元年九月甲子讀論語畢第九

保王欽若為資政大學士五年三月庚子宰臣兼太子

師傅十日一赴是堂賓客以下隻日更侍講學四月

十一日戊午以太子生哀宴輔臣宮僚于堂五月癸

未詔皇太子讀春秋輔臣奏曰臣等時入資善堂陪

侍講席太子天姿英邁好學不倦寫字有筆法上喜

仁宗寶元二年三月癸丑賈昌朝王宗道於是

堂編排書籍教授內臣以四月戊辰命趙希言楊安

國編排癸未皇祐元年七月壬子帝幸是堂作詩有

仰懷慈訓之句說書所寓資善堂慶曆初改為講筵

於是堂治平四年五月錢李東之十月元豐八

年即位十二月二日詔十五日開講筵講論語讀

寶訓講讀日赴資善堂以雙日講讀仍輪一負宿直

十五日乙亥初御邇英閣詔宰輔記注講讀官宴于

資善堂資銀帛有差元祐元年三月十六日詔講讀

官更不輪資善堂宿直六年詔史院寫邇英延義記

注送資善堂徽宗政和元年三月二十七日定王

嘉王出就資善堂聽讀二年詔許講筵官到堂參見宣

萬曆丁亥年

和元年四月詔置直講翊善贊讀

明道壽寧堂

宮中有清淨堂明道元年十月改曰壽寧 明道中奉太祖御容于壽寧堂

慶曆定州閱古堂

八年夏五月天子以河朔地大兵雄而節制不專詔魏瀛鎮定四路悉用儒帥兼安撫使而以韓琦帥定州郡圃有亭琦廣之為堂既成乃撫前代良守將之事可載諸圖而為法者凡六十條繪于堂之左右壁名為閱古堂富弼為之作詩 書目閱古堂詩一卷

堂

治平聞義堂

元年六月丁未增置同知大宗正事一員以宗惠領其職且降詔申儆之宗惠即所居築堂曰聞義日與學士大夫講肄其間以身倡率宗屬

政和摛文堂

五年十月二十九日乙丑御書摛文堂榜賜學士院承旨強淵明等上表謝

紹興資善堂

孝經圖

詳見東宮類

五年五月八日辛巳詔擇日除防禦使舊名為節度使封國公出就資善堂聽讀先是元年四月戊申以

嘉靖丁巳年 皇海卷一百一十一 二百一十一 監生統

尹輔臣奏事趙鼎曰昨日得旨見上臣退而與孟庾
沈與求商量皆仰贊陛下為宗廟社稷大慮謹令有
司卜今日二十六日吉上曰可與求曰此盛德之事
也上曰朕年二十九未有子然國朝自有仁宗故事
藝祖初業其勤至矣朕取子行下子鞠於宮中復加
除拜庶幾仰射在天之靈初張浚未出使也上嘗以
語鼎浚庾與求曰此子天姿特異在宮中儼如成人
朕自教之讀書極強記鼎先得旨於行宮門內造書
院屋一區欲令就學有司以圖來上凡建屋十六間
從約也至是書院成上曰只以書院便為資善堂俟

除授訖命儒臣為直講翊善悉如故事二十六日已

亥貴州防禦使為保慶軍節度使封建國公詔宗正

少卿直史館會要云徽猷待制史館修撰范冲兼資善堂翊善起

居即朱震兼資善堂贊讀上親筆付出朝論以二人

為極天下之選六月五日宰臣趙鼎循故事乞謁見

上曰朕令國公至資善見冲震皆設拜蓋尊師重傳

不得不如此巴西建國公初出資善堂冲等每因牋奏導國公以

仁義之言輒標軸藏之時一展玩國公嘗得李公麟

所畫孝經圖冲書其後曰孝者自然之理學然後知

之行之以不息守之以至誠習與性成是謂純孝不然

無以立身矣。國公其勉之。六年十月乙卯，震冲各進官一等，以建國公讀孟子終篇也。十二月蘇符兼贊讀。代范也六年九月，建國公讀孟子終篇。七年十二月十一日，讀尚書終。十九年三月二日，普安王讀公穀傳終篇。九年三月十四日，崇國公璩赴資善堂聽讀。

淳祐七年正月，詔就內小學，建資善堂，置贊讀直講，俾暫於藩房訓習，以其年未可出就外傳也。景定東宮講堂名新益。

紹興御書玉堂

堂

周麟之典司內命，援淳化故事，以為請翼日內出玉堂二大字以賜。玉堂本漢別殿，在未央宮，與清涼宜溫神僊長年金華白虎麒麟列峙相望，史不詳著而略見於李尋翼奉傳。然則玉堂蓋殿名也。待詔者有直廬在焉，故尋自謂久汗玉堂之直，易簡所乞太宗所賜實取諸此。後避英廟諱，至紹聖中始掇取二字榜于院，識者非之，謂不當以前代殿名。皇朝寶札揭之於臣下止息之地，今臣建請則所不敢，惟勒石旌事以永億載之傳，廣四方之藏，侈儒生千一之遇。

宋朝載忻堂

德壽宮禁籟周田分四地分東則香遠梅堂清深竹
堂南則載忻大堂御宴處

淳熙東宮射堂

二年夏始創射堂為游藝之所園中有榮觀玉淵清
賞等堂鳳山樓皆燕息之地景定東宮堂名疑華

晉成帝紀常欲於後園作射堂計用四十金以勞費
乃止

淳熙翠寒堂

六年上作翠寒堂於禁中以日本松為之不施丹牖
嘗召宰輔趙雄王淮奏事堂下古松數十清風徐來

上曰松聲甚清遠勝絲竹此中韓韓七五月
壬子雄等奏昨日奏事觀堂錫燕賜宸翰

淳熙議事堂

十四年十一月己亥詔皇太子參決庶務先是學士
洪邁入對言天禧資善之詔可舉行也至是詔右相
周必大討論資善堂典禮必大奏天禧時仁宗尚幼
始見輔臣恐不可用西晉有宣猷堂今作議事堂可
也十五年正月二日戊戌必大請上御延和殿令宰
執奏事畢然後過堂議事先是有詔東內門司改充
議事堂太子隔日與宰執相見議事九日乙巳又詔

每御朝令皇太子侍立

歷代堂名

後漢

萬金

靈帝造於西園

後魏

疑閣

雲母

九華

宣文代

皇信代

光極

清徽

華休

苗茨

隋

紫霄

玉華

延祥

碧華

瑤房

御福

翔龍

明華

雕綺

嘉猷

芳輝

花梁

含光

温玉

繁露

花光

儀鸞

芳音

重璧

光華

懷芳

璧月

文綺

輝景

瑤光東西

山齊

華渚

翠集

流風

崇蘭

麗景

鮮雲

三十六國

諮議

琨華

湛露

宣德

李中

媿賢

螽斯則百

六朝

芳香

芙蓉

太極東西

德陽

樂賢

閱武

崇政東西

樂修

集賢

宣猷

貞華

畫

比齊

涼風 德陽 萬歲 乾壽 聖壽

丹臺新錄所載

高暉堂 鬱絕宇

室

室實也。人物實滿其中也。

黃帝特室

莊子在宥篇黃帝立十九年。聞廣成子在空同之上。

往見之。退築特室。席白茅。問居三月。復往邀之。順下風。問至道。周書黃帝始作宮室。

堯衢室

管子威公問篇堯有衢室之問者。下聽於人也。爾雅五達

曰康四達曰衢文中子問易篇議其盡天下之心乎。昔黃

帝有合宮之聽。堯有衢室之問。舜有總章之訪。皆議

之謂也。并天下之謀。兼天下之智。注當衢為室。以採

民言。管子曰。堯開衢室。聽於民也。子華子堯居於

衢室之宮。一作垂衣而裳。幅遠如神明之居。輯五瑞

以見羣后。帶幅烏而入。覲者如衆星之拱北。魏文

帝紀令曰放勳有衢室之問所以廣詢于下陳子

昂傳堯衢室調元氣治陰陽列子堯游于康衢聞

兒童謠立我蒸民莫匪爾極云云晉志堯衢尊先

惠王勃九成宮頌序帝唐復衢室之尊獨孤及

傳堯設誹謗之木於五達之衢淮南子堯樸桷不

斲素題不栒

書稽于衆舍已從人清問下民

舜太室

文選王融曲水詩序接禮貳宮考庸大室注尚書大

傳曰維十有五祀舜為賓客禹為主人樂正進贊曰

堂

尚考太室之義唐為虞賓鄭元曰舜既使禹攝天下

之事於祭祀避之居賓客之位獻酒則為亞獻尚考

猶言往時也太室明堂之中央室也義當為儀禮儀

也謂祭太室之禮堯為舜賓也孟子舜尚見帝帝

館甥于貳室

夏五室

冬官匠人營國夏后氏世室堂脩二七廣四脩一世

者宗廟也五室三四步四三尺注堂上為五室象五行也

三四步室方也四三尺以益廣也木室於東北火室

於東南金室於西南水室於西北其方皆三步其廣

益之以三尺土室於中央方四步其廣益之四尺此
五室居堂南北六丈東西七丈疏宗廟制如明堂明
堂之中有五天帝五人帝五人神之室皆法五行五
行先起東方故東北之室言木其實東北兼水東南
兼木西南兼火西北兼金中央大室有四堂四角之
室皆有堂中為大室故多一尺大室居中四角之室
於大室外接四角為之夏之世室其室皆東西廣於
南北周亦五室直言凡室二筵或五室皆方二筵與
夏異制鄭意以夏周皆有五室十二堂明殷亦五室
十二堂夏度以步殷度以尋周度以筵是王者相改

也 玉藻疏異義明堂制禮盛德記曰九室月令說
云四堂十二室

武王牧室

禮記大傳牧之野武王之大事也既事而進柴於上
帝祈於社設奠於牧室遂率天下諸侯執豆籩遂奔
走注柴祈奠告天地及先祖也牧室牧野之室也古
者郊關皆有館焉先祖者行主也 莊子湯武之室

周路室

地官遺人十里有廬廬有飲食三十里有宿宿有路
室路室有委五十里有市市有候館候館有積注廬

若今野候徒有房也宿可止宿若今亭有室矣候館樓可以觀望者也一市之間有三廬一宿

周龜室

春官龜人中士二人工四人掌六龜之屬天靈屬地繹屬東果屬西雷屬南獵屬北若屬凡取龜用秋時攻龜用春時各以其物入于龜室注六龜各異室也史龜策傳褚先生曰今高廟中有龜室藏內以為神寶

周九室

冬官匠人營國室中度以凡內有九室九嬪居之外

有九室九卿朝焉內外之九室指王宮台宮對言也注內路寢之裏外路門之表九室如今朝堂諸曹治事處六卿三孤為九卿疏內外據路寢之表裏言之九卿之九室在門外正朝之左右為之九嬪掌婦學之法則九室是教九御之所也

周中興宮室

漢劉向傳上疏諫曰誠周德既衰而奢侈宣王賢而中興更為儉宮室小寢廟詩人美之斯千之詩是也美宣王上章道宮室之如制下章言子孫之衆多也考室如制謂殖其庭斯千疏宣王都在鎬京此

嘉靖丁巳年

考室堂是西都宮室

詩云築室百堵西南其戶如鼓斯翼如矢斯棘如鳥斯革如暈

于垣百堵皆作

拾遺記昭王即位二十年王坐祇明之室

齊嘖室

管子威公問篇第五公問曰吾念有而勿失得而勿忘為之有道乎對曰勿創勿作時至而隨毋以私好惡害公正察民所惡心自為戒黃帝立明臺之議者上觀於賢也堯有衢室之問者下聽於人也舜有告善之旌而主不蔽也禹立建鼓於朝而備訊喚湯有總街之庭以觀人誹也武王有靈臺之復而賢者進

也公曰吾欲效之其名云何曰名曰嘖室之議以東郭牙為之此人能以正事爭君者也

燕有曆室

樂毅傳曆室戰國策括地志云曆室燕宮名也

漢石室 祕室

高祖紀金匱石室注師古曰以金為匱以石為室重緘封之保護之義 太史公自序秦撥去古文明堂

石室金鑽玉版圖籍散亂遷為太史令 紬史記石室

金鑽之書

後傳李固對策曰宜開石室陳圖書

黃瓊上疏曰宜開石室案河洛注石室藏書之府

王允為司徒遷都關中收斂蘭臺石室圖書祕緯

儒林傳自辟雍東觀蘭臺石室宣明鴻都諸藏典策
文章隋志明章繼軌石室蘭臺彌以充積魏都

賦窺玉策於石室案圖錄於石室注揚雄遺劉歆書

曰得觀書於石室魏文帝為金策著令藏之石室劉歆七畧內有

延閣廣內祕室之府風俗通周秦以歲八月遣輜

軒之使採異代方言奏之藏祕室王元長云書笏

珥彤紀言事於仙室漢五行志有非常室

漢宣室

列傳賈誼為長沙太傅歲餘文帝思而召之至入見

上方受釐坐宣室宣室未央前殿正室釐祭餘肉也漢儀注祭天地皇帝不自行還致

室

釐上因問鬼神之本誼具道所以然之故至夜半文

帝前席既罷曰吾已久不見賈生自謂過之今不及

也東方朔武帝為竇太主置酒宣室使謁者引內

董偃是時朔陞戟殿下辟戟而前曰偃有斬罪三安

得入上默然朔曰宣室先帝之正處也非法度之政

不得入焉上曰善有詔止更置酒北宮陳忠上疏曰武帝納東方

朔宣室之正何武宣帝時益州刺史王褒使辯士王褒

作中和樂職宣布詩三篇頌漢德武年十四五與成

都揚覆衆等共習歌之是時宣帝求通達茂異士召

見武等於宣室上曰此盛德之事吾何足以當之

陳湯成帝時西域都護段會宗為烏孫兵所圍上書
願發敦煌兵自救上召湯見宣室對曰臣以為此必
無可憂詘指計曰曰已解矣王嘉成帝鴻嘉中舉
敦朴能直言召見宣室對得失政事刑法志宣帝
季秋後請讞時上常幸宣室齋居決事刑獄號為平
注如淳曰宣室布政教之室也晉灼曰未央宮中有
宣室殿師古曰賈誼傳亦云受鰲坐宣室蓋其在前
殿之側也齊則居之宣紀甘露四年十月未央宮
宣室閣火黃圖宣室布政教之室也溫室清涼皆
在未央宮殿北宣明廣明皆在未央宮殿東昆德玉

室

堂皆在未央殿西

西京賦宣室玉堂譬衆星之環

極王元長策秀才文至於思政明臺訪道宣室注

宣室謂漢召賢良之處

長安志淮南子曰武王殺

紂宣室

宣室殿宮名一曰胡廣曰宣帝感路溫舒

言季秋後請讞時帝幸宣室齋居而決事令侍御史

二人治書

後五行志有南宮宣室殿

漢溫室魏唐見下

黃圖宣室溫室皆在未央宮殿北

選注溫室殿武帝

建冬處之溫煖也

宣溫二室西南其戶西京雜記曰

溫室以椒塗壁

取其溫且芳也被之文繡香桂為柱設火齊

屏風鴻羽帳規地以屬賓遷瑜漢宮殿疏在長壽宮又漢宮閣記在未央宮

宮漢書列傳孔光為尚書令歸休與兄弟妻子燕語終不及朝省政事或問溫室省中植何木光不應

注晉灼曰長樂宮中有溫室殿京房元帝時奏攷

功課吏法上令公卿朝臣會議溫室霍光與羣臣

奏昌邑王王九賓溫室隋志哀帝徙溫室中書

于天祿閣劉向別錄雅琴趙定龍德召見溫室

西都賦清涼宣室今按未央宮建於高帝之七年

作延清以避隆暑溫室以御祁寒翼奉謂孝文時未

央宮獨有前殿曲臺漸臺宣室溫室承明然則孝文

時有之非武帝建也史記表大事記文九年溫室

鐘自鳴張衡西京賦云溫調延北注殿名後漢

洛宮有溫飭殿洛陽宮室名曰洛陽有望舒涼室

含章鞠室清暑涼室拾遺記云漢武息於延涼室

漢考工室 畫室

百官表少府有考工室居室甘泉居室令丞臣贊曰冬官為

考工主作器械太初元年更名考工室為考工居室為保宮

甘泉居室為昆臺昆臺五丞列傳灌夫罵坐不敬

繫居室注師古曰署名田蚡嘗請考工地益宅

衛青嘗從入至甘泉居室劉輔繫共工獄注考工

也。霍光止畫室中。後官志有畫室長一人。官者主中宮別處。

宣紀暴室。嗇夫許廣漢注。應劭曰。今日薄室。師古曰。掖廷主織作染練之舍。故謂之暴室。取暴曬為名耳。薄亦暴也。韓延壽傳。在東郡時。試騎士。歌者先居射室。注。李奇曰。都試射堂也。文選景福殿賦。注。李尤。鞠室。銘曰。圓鞠方牆。放象陰陽。法月衝對。二丈相當。

漢文翁石室 周公禮殿

顏有意益州學館記。華陽國志。文翁為蜀郡守。造講

堂石室。一名玉堂。安帝永初間。烈火為災。惟石室獨

存。至獻帝興平元年。太守高朕於玉堂東。復造一石

室。為周公禮殿。集古錄有漢文翁石柱記云。漢初

平五年。修周公禮殿。水經注文翁為蜀守。立講堂。

作石室於南城。後守更增二石室。唐志益州文翁

學堂圖一卷。金石錄有周公禮殿記。本朝狄遵

度作石室賦。慶曆四年。益州守蔣堂廣其舍。為官

以教諸生。治平中。韓絳建講堂于文翁石室之西。

史記索隱。同州河西縣有子夏石室學堂。

漢西王母石室

地理志金城郡臨羌縣西北至塞外有西王母石室

漢織室 凌室

百官表少府有東織西織令丞河平元年省東織更

名西織為織室中興省織室令一六典惠紀四年

七月乙亥未央宮凌室災又成帝永始元年春正月癸丑太官凌室火丙

子織室災注師古曰凌室藏冰之室函詩七月之篇

曰納于凌陰織作之室主織作繒帛之處五行志

劉向以為凌室所以供養飲食織室所以奉宗廟衣

服霍光傳上乃下詔曰七月節四年廼者東織室令

史張赦云云外戚傳漢王入織室見薄姬三輔

黃圖未央宮東西織室織作文繡郊廟之服有令史

屬少府後周司織下大夫唐織染令後禮儀志季春之月皇后

帥公卿諸侯夫人蠶祠先蠶禮以少牢有蠶壇蠶宮

繭觀織室馬后紀置織室蠶于濯龍中數往觀視

以為娛樂注濯龍園名也前書有東織西織屬少府

平帝改名織室鄧后紀御府尚方織室錦繡冰素

綺縠之物皆絕不作水經注冰室舊在宣陽門內

東京賦諺門注冰室門也宋孝武大明六年置

凌室修藏冰之禮

周典婦功典絲典臬即漢東西織也藏冰之禮凌

人掌之月令載之。幽詩歌之。

漢街彈室

周禮地官里宰每里下土一人以歲時合耦于耜以治稼穡。

趨其耕耨行其秩叙注兩人相助耦而耕也。耨者里

宰治處也。若今街彈之室於此合耦使相佐助因放

而為名。疏鄭以漢法況之。漢時在街置室檢彈一里

之民於此合耦。金石錄有都鄉正街彈碑在昆陽

城中。中平二年正月

食貨志春將出民里胥平旦坐於右塾鄰長坐於左

塾畢出然後歸夕亦如之。注師古曰門側之堂曰塾

室

坐於門側者督促勸之知其蚤晏防怠惰也。

漢雲臺廣室

陰興傳建武二十年夏興受顧命於雲臺廣室。

魏温室詳見上

魏都賦丹青炳煥特有温室儀形宇宙歷象賢聖圖

以百瑞絳以藻詠茫茫終古此焉則鏡有虞作績茲

亦等競注温室中有畫象贊何晏景福殿賦温室房

承其東序涼室處其西偏注二殿名下蘭許昌宮

賦其陰則有望舒涼室羲和温房

晉宮閣名洛陽宮內有羲和温房

晉廣室

元帝紀有司奏太極殿廣室施絳帳帝令冬施青布
夏施練帷周顛傳元帝召顛於廣室紀瞻傳明
帝嘗獨引瞻於廣室

唐温室

唐大明宮有温室殿李庾西都賦左閣當辰延英
耽耽宣徽洞達温室隅南接以重離縣乎少陽是為
二宮複道邃廊

玉海卷第一百六十一

室

